



**BOKAMOSO  
SOLAR**

## Q4 LEKWALODIKGANG 2024



### GO MAATLAFATSA BARUTABANA LE BATSADI KA DITHUTANO TSA GO BUISA LE GO KWALA!




Lenaneo la rona la go lthuta go Buisa le go Kwala le tswela go thusa barutabana le batsadi go nna le bokgoni jo bo botlhokwa jwa go thusa barutwana go ithuta go buisa.

Mo setlheng se se fetileng, go ne ga tshwarwa dithutano di le pedi tsa Katiso ya Barutabana kwa Sekolong se se Potlana sa Reahola (Kanana) le Sekolo se se Potlana sa Koketso (Kgakala), tse di neng di lebagane le maano a a nonofileng a go tlhloganya. Barutabana ba ne ba nna le mekgwa e mentšhwa ya go tokafatsa go tlhloganya se se buisiwang mo phaposeng ya borutelo.

Mo godimo ga moo, dithutano tsa Katiso ya Tshegetso ya Batsadi di ne di tlhomile mogopolo mo go "Go Tlhaloganya Phefogo go tswa go Mophato 3 go ya go Mophato 4", go thusa batsadi go tshegetsa bana ba bone botoka mo Nakong eno e e botlhokwa ya sekolo.

Dithutano tseno di gatelela seabe sa botlhokwa se barutabana le batsadi ba nang le sone mo go godiseng babusi ba bašwa.



### MOAMOGEDI WA BASARI O DIRA SENTLE THATA MO DITHUTONG TSA GAGWE!

Ke rata go akgola Gabodinewe Mokgabi, moamogedi wa Basari ya Bokamoso Solar yo o weditseng ka katlego Dikerii ya B.Ed ya gagwe (Akhaonting e Kgolwane le ya Kgato ya FET) kwa Yunibesithing ya Bokone Bophirima, a aloga kwa godimo ga tlelase ya gagwe ka Cum Laude.

"Ke itumetse go bo ke fitheletse kgato eno e e botlhokwa, mme ke leboga thata Bokamoso Solar le StudyTrust ka kemonokeng ya bone e e sa reketleng. Basari eno e ne ya dira gore ke kgone go tlhoma mogopolo mo dithutong tsa me, mme tumelo e ke neng ka e newa e ne ya dira gore ke ikutlwe ke na le boikarabelo e bile ke leboga. Ke ititeile sehuba go dirisa thuto ya me go nna le seabe se se nang le bokao mo setšhabeng sa gaetsho le go nna le seabe mo tlhabololong ya naga ya rona." - Gabo

Katlego ya gagwe ke bosupi jwa maatla a thuto e nang le one mo go bopeng baeteledipele ba mo isagweng. Re mo eleletsa katlego mo tirong ya gagwe ya go ruta!

